



অবিলম্বে প্রকাশের উদ্দেশ্যে: 10/28/2020

গভর্নর অ্যাল্ডু এম. কুওমো

গভর্নর কুওমো ক্যানাবিনয়েড হেম্প পণ্যের জন্য প্রস্তাবিত বিধিমালা ঘোষণা করেছেন

ডিপার্টমেন্ট অফ হেলথের ক্যানাবিনয়েড হেম্প প্রোগ্রাম প্রক্রিয়াকারক এবং খুচরা বিক্রেতাদের লাইসেন্স দেবে এবং গুণমান নিয়ন্ত্রণের মান নির্ধারণ করবে

গভর্নর অ্যাল্ডু এম. কুওমো আজ ঘোষণা করেছেন যে নিউ ইয়র্ক স্টেট ডিপার্টমেন্ট অফ হেলথ (Department of Health, DOH) নিউ ইয়র্ক স্টেটের ক্যানাবিনয়েড হেম্প পণ্য নিয়ন্ত্রণের জন্য [প্রস্তাবিত বিধিমালা](#) দাখিল করেছে। এই বছরের শুরুতে গভর্নর কর্তৃক স্বাক্ষরিত [আইন](#) অনুযায়ী, ডিপার্টমেন্ট একটি ক্যানাবিনয়েড হেম্প প্রোগ্রাম তৈরি করেছে। প্রোগ্রাম ক্যানাবিনয়েড হেম্প প্রক্রিয়াকারক এবং খুচরা বিক্রেতা উভয়কে লাইসেন্স করবে এবং গুণমান নিয়ন্ত্রণের মান নির্ধারণ করবে যা সকল ক্যানাবিনয়েড হেম্প পণ্যকে অবশ্যই পূরণ করতে হবে।

"এই নিয়মগুলি নিউ ইয়র্কের ক্রমবর্ধমান হেম্প শিল্পকে এমনভাবে নিয়ন্ত্রণ করার পরবর্তী পদক্ষেপ যা ভোক্তাদের রক্ষা করে এবং শিল্পের দীর্ঘমেয়াদী কার্যকারিতা নিশ্চিত করতে সাহায্য করে," **গভর্নর কুওমো বলেন।** "হেম্প এবং হেম্প নির্যাস উৎপাদন এবং বিক্রয় নিয়ন্ত্রণের জন্য রাষ্ট্রের ক্যানাবিনয়েড হেম্প প্রোগ্রাম প্রতিষ্ঠা ভোক্তা এবং চাষি উভয়কেই রক্ষা করতে সাহায্য করবে।"

ক্যানাবিনয়েড হেম্প প্রোগ্রাম ক্যানাবিনয়েড হেম্প প্রক্রিয়াকারক এবং খুচরা বিক্রেতাদের জন্য একটি লাইসেন্সিং কাঠামো তৈরি করে, এবং মৌলিক উৎপাদন, প্যাকেজিং এবং লেবেল এবং ল্যাবরেটরি পরীক্ষার মান প্রতিষ্ঠার মাধ্যমে নিউ ইয়র্ক রাজ্যের ক্যানাবিনয়েড বাজারকে সংগঠিত এবং বৈধ করবে। বর্তমানে, ক্যানাবিনয়েড হেম্প প্রক্রিয়াকরণ এবং খুচরা লাইসেন্সের জন্য আবেদন উন্নয়নের অধীনে রয়েছে, এবং NYSDOH 2021 সালের শুরুতে সেগুলো উপলভ্য করতে চায়।

2015 সালে, গভর্নর শিল্প হেম্প কৃষি গবেষণা পাইলট প্রোগ্রাম চালু করেন যা কৃষকদের সমর্থন এবং আপস্টেট নিউ ইয়র্কের অর্থনৈতিক উন্নয়ন আরো বৃদ্ধি করে। তারপর থেকে, নিউ ইয়র্কের হেম্প প্রোগ্রাম উল্লেখযোগ্যভাবে প্রসারিত হয়েছে, নিউ ইয়র্ক দেশের অন্যতম নেতৃস্থানীয় হেম্প উৎপাদনকারী রাষ্ট্রে পরিণত হয়েছে, যেখানে 700 জনেরও বেশী কৃষক এবং 100টি হেম্প পণ্য প্রক্রিয়াকারক রয়েছে। হেম্প একটি টেকসই, কার্বন-অপসারণকারী ফসল যা টেক্সটাইল, আসবাবপত্র, জ্বালানী, খাদ্য, নির্মাণ সামগ্রী এবং ব্যক্তিগত যন্ত্র আইটেম সহ শত শত পণ্যে রূপান্তরিত হতে সক্ষম।

কিছু হেম্প পণ্য যেগুলির জনপ্রিয়তা বাড়ছে তার মধ্যে রয়েছে ক্যানাবিনয়েড হেম্প পণ্য যেমন ক্যানাবিডিওল, বা সিবিডি, যা অনলাইনে বা রাজ্য জুড়ে খুচরা দোকানে পাওয়া যায়। যদিও হেম্প বৃদ্ধির জন্য ফেডারেল পর্যায়ে নিয়ম বিদ্যমান, বর্তমানে ক্যানাবিনয়েড হেম্প পণ্য প্রক্রিয়াকরণ এবং উৎপাদনের জন্য কোন ফেডারেল নিয়ম নেই, যার ফলে ক্যানাবিনয়েড হেম্প মার্কেটপ্লেসে মৌলিক ভোক্তা সুরক্ষার অভাব রয়েছে যা একই ধরনের শিল্পের ক্ষেত্রে সাধারণ। ক্যানাবিনয়েড হেম্প পণ্যের প্রকাশিত রিপোর্ট আছে যা কোন ক্যানাবিনয়েড ধারণ করে না কিন্তু টিএইচসিএর অনির্দিষ্ট বা অসঙ্গতিপূর্ণ মাত্রা ধারণ করে - যা গাঁজা উদ্ভিদের মানসিক সক্রিয় উপাদান - অথবা ক্ষতিকর টক্সিন দ্বারা দূষিত।

প্রস্তাবিত নিয়মগুলি এই নিয়ন্ত্রকের শূন্যস্থান পূরণ করে এবং কিছু খাদ্য, পানীয়, টপিকাল এবং খাদ্য সম্পূরক পণ্যে হেম্প-প্রাপ্ত ক্যানাবিনয়েড ব্যবহারের জন্য একটি সিস্টেম তৈরি করে, যদি নিয়ন্ত্রকের প্রয়োজনীয়তা পূরণ হয়। সকল ক্যানাবিনয়েড হেম্প পণ্য শেষ পণ্যের উদ্দেশ্যের উপর ভিত্তি করে ভাল উত্পাদন অনুশীলন ব্যবহার করে উত্পাদন করা আবশ্যিক। লেবেলে অবশ্যই পণ্যের ক্যানাবিনয়েডের মোট পরিমাণ, প্রতি পরিবেশনে ক্যানাবিনয়েডের সংখ্যা, একটি পুষ্টি বা সম্পূরক ফ্যাক্ট প্যানেল, পণ্য টিএইচসি ধারণ করে কিনা এবং যথাযথ সতর্কতা সম্পর্কে তথ্য যে পণ্যটি শিশুদের জন্য নয়, এর ব্যবহার একটি ড্রাগ পরীক্ষার ব্যর্থতার কারণ হতে পারে, পণ্য FDA দ্বারা মূল্যায়ন করা হয়নি, ব্যবহারের আগে একজন স্বাস্থ্যসেবা প্রদানকারীর সাথে পরামর্শ করা ইত্যাদি থাকতে হবে।

উপরন্তু, ক্যানাবিনয়েড হেম্প পণ্য বাজারে প্রবেশের আগে ল্যাবরেটরি পরীক্ষা করা প্রয়োজন, তাদের ক্যানাবিনয়েড প্রোফাইল, ভারী ধাতু, মাইক্রোবিয়াল অশুদ্ধতা, মাইকোটক্সিন, কীটনাশক এবং অবশিষ্ট দ্রাবক পরীক্ষা সহকারে। এই তথ্য ভোক্তা দ্বারা একটি কিউআর কোড বা পণ্য লেবেলের সংশ্লিষ্ট লিঙ্ক আকারে পুনরুদ্ধার করতে পারা আবশ্যিক। খুচরা বিক্রেতাদের 21 বছরের কম বয়সী ভোক্তাদের কাছে শ্বাসযোগ্য ক্যানাবিনয়েড হেম্প পণ্য, যেমন ভ্যাপ পণ্য বিক্রি নিষিদ্ধ। প্রক্রিয়াকারককে দাবি করতে নিষেধ করা হয়েছে যে পণ্যটি রোগ নির্ণয়, নিরাময়, হাস, চিকিৎসা বা প্রতিরোধ করবে।

নিউইয়র্ক স্টেট ডিপার্টমেন্ট অব হেলথ (New York State Department of Health) কমিশনার ড. হাওয়ার্ড জুকার বলেন, "যখন আপনি একটি পণ্য কিনবেন, আপনার আস্থা থাকা উচিত যে লেবেলে যা বলা হয়েছে তা আসলে পণ্যে আছে। ক্যানাবিনয়েড হেম্প পণ্যের উৎপাদন এবং ব্যবহারের সাথে, নিউ ইয়র্ক স্টেট নিউ ইয়র্কবাসীদের স্বাস্থ্য এবং নিরাপত্তা রক্ষার জন্য মৌলিক ভোক্তা সুরক্ষা প্রতিষ্ঠায় কাজ করার জন্য ফেডারেল সরকারের জন্য অপেক্ষা করতে পারেনি।"

সেনেটর জেন মেটজগার বলেন, "এই নিয়মগুলি হেম্প শিল্পের জন্য বহু প্রতীক্ষিত নিশ্চয়তা প্রদান করবে এবং আমাদের কৃষকদের জন্য একটি বিশাল সুযোগ প্রদান করবে এবং আমাদের নিশ্চিত করবে যে আমাদের একটি নিরাপদ এবং উচ্চ মানের পণ্যের জন্য ভোক্তাদের প্রয়োজনীয় মান আছে। হেম্পের জন্য নিয়ন্ত্রক কাঠামো তৈরি করা বিলের সিনেট পৃষ্ঠপোষক হিসেবে, হেম্প শিল্পকে এগিয়ে নিয়ে যেতে এবং নিয়ন্ত্রক প্রক্রিয়াকে এগিয়ে নিয়ে যাওয়ার জন্য তার অব্যাহত নেতৃত্বের

জন্য আমি গভর্নরকে ধন্যবাদ জানাতে চাই, এবং আমি নিউ ইয়র্কের কৃষক এবং সকল স্টেকহোল্ডারদের অনুরোধ করছি নিয়মকানুন পর্যালোচনা করতে এবং 60 দিনের মন্তব্যের সময় ইনপুট প্রদান করতে।"

অ্যাসেম্বলি সদস্য ডোনা লুপার্ডো বলেছেন, "এই সব নিয়মের মাধ্যমে নিউ ইয়র্ক ভোক্তা নিরাপত্তার জন্য একটি জাতীয় মডেল তৈরি করছে, যার জন্য কঠোর লেবেল এবং উৎপাদন মান প্রয়োজন। খাদ্য এবং পানীয় এর মধ্যে ক্যানাবিনয়েড নির্যাস অন্তর্ভুক্তি রাজ্য জুড়ে কৃষক, প্রক্রিয়াকারক, প্রস্তুতকারক এবং খুচরা বিক্রেতাদের জন্য নতুন অর্থনৈতিক সুযোগ প্রদান করবে। আমি নিউ ইয়র্কের হেম্প শিল্পের প্রতি গভর্নরের অব্যাহত অঙ্গীকারের প্রশংসা করছি এবং তার প্রশাসনের সাথে কাজ করার জন্য উদগ্রীব যেহেতু এই সব নিয়মকানুন জনগণের মন্তব্যের সময়ের মাধ্যমে চূড়ান্ত করা হয়।"

নিউ ইয়র্কের ক্যানাবিনয়েড হেম্প প্রোগ্রাম সম্পর্কে আরও তথ্যের জন্য এবং প্রস্তাবিত নিয়মকানুন দেখার জন্য অনুগ্রহ করে ভিজিট করুন: <https://health.ny.gov/regulations/hemp/>।

###

আরো সংবাদ পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)